



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Panicus terror.

[urn:nbn:de:hbz:466:1-68709](#)

diduci & explicari possent. Clausæ ridiculam ac monstrosam tibicinis speciem exhibebant ; apertæ, subitò Numen ostendebant, ut artem sculptoris gratiorem jocosus facheret error. Ita nimirum multi hominum habitu, vultuque longè minus præ se ferunt, quam in animo clausum gestent. Quidquid in omni genere rerum præclarus est, id minus in conspicuo est, ait Seneca. Hoc inter alios in Æsopo, sapientissimo illo fabulatore, natura ostendit ; in quo sub deformi vultu pulcherrimus latet animus, sicut lucidissimus unio sub aspera clausus concha. Præstantissimo ingenio non raro pro domicilio corpus obtigit dissimillimum; & vicissim, formosi corporis sæpe hospes est stupidissimum ingenium.

IV. (d) Inter adagia circumfertur : *Panicus casus, Panicus metus,* nempe subitus animorum tumultus ac metus. Veteres enim existimabant, *Panem* deum, repentina terrores & animi consternationes immittere, lymphaticis simillimas, usque adeò impotentes, ut non ratione modò, verùm & mente careant. De Panico hoc timore loquitur Salomon Prov. 28, *Fugit impius nemine persequente : justus autem quasi leo confidens, absque terrore erit.* Est enim animosa innocentia ; & pavet omnis animus malè sibi conscius. Sapient. 17. *Cum sit timida nequitia, dat testimoniūm condemnationis : semper enim presumit sava, perturbata conscientia.* Improbitas ipsa sibi supplicium struit ; estque sceleris in scelere supplicium. Vir sapiens & probus ad nullius pavet occursum, instar leonis. Quòd si venantium multitudini cedere cogitur, sensim, pedetentimque discedit, crebro subsistens atque respectans. Pana formidabilem fecit miniatuſ vultus, & cornua in capite surgentia. Has sibi larvas fingunt timidi, malèque consciī ; ad quævis pallent fulgura. Verè Poëta : *Degeneres animos timor arguit.* Virtutem fugiunt ipsam tanquam spectrūm, quibus præter nomen, nihil est de ea cognitum.

V. (e) Ad genus silvestrium deorum pertinent etiam *Centauri, Ixionis* ē nube filii, quam pro Junone amplexabatur, unde *nubigenæ* dicti sunt. Thessaliæ populi fuisse feruntur : qui quoniam equos domare, & ex iis pugnare primi cœperunt, factum est, ut à vicinis populis, membra partim humana, partim equina habuisse crederentur. Et quia equestres eorum turmæ procul aspicientibus, inferiùs formam equorum, superiùs manus, vultusque hominum exhibebant, duabus ex naturis conserti virdebantur. Quorum semideorum & semiferorum aliquis (*Pelethronium* vocant) frenum reperit & calcaria, quibus tardiores aut celeriores equi vel retinerentur, vel impellerentur. Vide de his Symbol. 40. 75. 81.

Nomen

(d) *Panicus terror non cadit in virum sapientem. (e) Centauri unde?*

